

Zeitschrift: Le nouveau conteur vaudois et romand
Band: 93 (1966)
Heft: 11-12

Artikel: On bouébo nopâ
Autor: Pekoji
DOI: <https://doi.org/10.5169/seals-234285>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

Achinbyâye di patêjan a Epindè

La né d'l'Athenthion, l'Amicale di patêjan « Lè Triolè » l'avan lou réunion a la pinta d'Epindè. Por on kou, le vindâdzo èthê tru piti pêrmo ke di j'èmi n'an pâ trovâ a lou pyèthi. No j'avan l'anâ d'avê la préjinthe dè M. Henri Gremaud, préjidan di patêjan reman, dè M. l'inkourâ Dzojè Dousse, la chochiétâ dè tsan è chon dévouâ dirakteu. On bon nonbro dè j'èmi chon arouvâ dè totè lè kotzè dou tyinton. Dou momin ke le dzoa d'la poya aprotzivè to bounamin, l'è j'ou le tsan de *La né chin va di montanyè* ke l'a ourâ l'achinbyâye.

In chaluin è rêmârhyin ti lè patêjan, M. Mouron, préjidan, l'a j'ou di parolè bin tinprâyè po lè j'onorâbyo k'èthan le premi yâdzo avui no. La parola l'è j'ou baya a Mariëta Bongâ, chèkretéra, ke l'a yê le protocole d'l'achinbyâye d'Arkonhyi ke l'avê j'ou yu dè furi pachâ. Chin chè fére a rèkemandâ M. l'inkourâ Dousse no j'a yê très poési ke chon : *La Kapète, Le Vangle, Mon Bi Velâdzo dè Trivo*. I no j'a de ke l'avê oubâyâ on bokon le patê pê Vuithérin è portan y no j'a débyotâ hou j'ichtouârè chin la mindr' ètzeka. I l'a rèchu lè félitchitachyon dè ti lè patêjan.

M. Gabriel Kolly èthê to dzoyâ dè vêre a tan dè mondo po chta velya. Kemin y l'avê achichtâ a la bala Poya d'Ethavanin y l'a betâ hou duvè rôdzoyechinthè chu le mimo étsélon chuto ke bin di dzouno l'avan répondre a l'invitachyon.

M. Henri Gremaud, préjidan di patêjan reman, dè chute y l'a rêmârhyâ la chochiétâ dè tsan è chon dirakteu, por la bouna volonta ke l'an d'aprindre lè bi tsan dè M. Dzojè Brodâ, de La Rotse. Y no j'a de ke prêchke perto ly a di dzin ke chè dèvouon po mintinyi chi lingâdzo, ma, di bon j'èkrivin no j'an tyithâ tru vuto è dinche y fudrè ouna rèlèva. Onko

din le dzouyo d'la bala fithâ d'Ethavanin d'la demindze dèvan, y n'a pâ mankâ dè no dre k'èthê kontin dè vêre l'akouâ ke no j'an din l'Amicale. Avu pyéji, no j'an aprê ke lè thin j'infan Gremaud tsanton chovin in patê. No j'an achurâ M. le préjidan ke chè bon konchèye cheron betâ in pratika. Chè bouné parolè l'an rèchu lè bravô è lè rêmârhyèmin ke mretâvè d'ithre vinyê onkou avui no.

Du chin M. Mouron, préjidan, l'a yê le viyo grêté ke l'avê ékri po le dêri konkour, adon ke Mariëta Bongâ bayivè lè chovinyi dè M. Dzojè Yérle konpojâ po la mima chirkonchtanthe. Vin le toua di bon fachèyâ kemin M. Franthè Bourdyè, Pièro Kolly dè Prareman, Linus è Jules Hyimin, lè Damè Schorderet è Python d'Arkonhyi, chin oubâyâ Madama Reynaud d'Epindè.

Apri hou balè j'ârè dè dzouyo ke pa-châvan tru rido, ouna hyertâ d'èchpérinthe dèvethrè achurâ l'avinyi d'l'Amicale « Lè Triolè ».

Mariëta Bongâ.

On bouébo nopâ

Din totè lè familyè chon syê dè lou j'infan. Ma lè mér'gran travon pâ dè mo po gabâ hou piti. Chon tot'èvi lè pye bi, lè pye dègremilyi ; l'an totè lè kalitâ dè lou fe è, che l'an di défô, tiron bin chur du vè la bala silye...

On kou ke vè hou d'la Dzà lavan j'ou di j'invelè, la Dona k'irè achétâlye avui le piti Martin dè katr'an pri dè li, chè betè a dre :

— *Vuityidè chi piti kemin l'è rôvèlyi è galé. L'a lè mimi bi j'yè dè chon père, lè bi pê dè cha mère...*

Et le piti dè kontinuâ :

... *E lè tsot'hè dè chon frârè...*

Pekoji di Chouvin.